

En jöbia, ai 5 de jená, domisdé é l'ambulateur dl dr. Eduard Agreiter stlüt; Sorvisc de turnus n'ará ai 7 y ai 8 de jená nia dr. Agreiter mo dr. Barakat Ziad 366 26 79 563.

Les iscriziuns tla scolina 2017/18 é ai 16 y 17 de jená y les iscriziuns tla scora elementara 2017/18 é ai 23 de jená: info plü avisa ciafêise tles proscimes plates.

PLOANIES SAN MARTIN Y LUNGIARÜ

40 dis y nôts d'oraziun por i proi de nosta diozeja y por vocaziuns. Bele por l'otavo iade vëgnel metü a jî fora por dōta nosta diozeja na morona de oraziun, dai 25/12 cina ai 02/02. Porsones privates o comunités é inviades da perié de y nôt por chësta intenziun. De chësc vers dijunse a San Martin la corona les jöbies do mëssa y a La Ila vëgnel tignî vigni mertesc, dales 20.00 -21.00 na ora d'adoraziun. Vignun pó te chësc tēp to ite chësta intenziun te süa oraziun, tla mëssa, ti fistidi da vignide y i. i.

PLOANIA SAN MARTIN

I sperun che tröpes portes se deures y toles ite cun ligrëza i **Trëi Resc che gnarà:** en dedolönesc 03/01: danmisdé: grup A: Mirí; grup B: San Martin

domisdé: A: Pespach y Bioch; B: San Martin

en dedemesaled., 04/01: danmisdé: A: Prousch Tor y Preroman; B: Ju

domisdé: A: Picolin y Alfur; B: Zona artej. y Restalt

En Santaguania do mëssa: Ciasa de Palsa. Informaziuns: Martina 349 64 73 206

Por la **Cronica Sas dla Crusc 2016** da San Martin vëgnel dër bel perié da dé jö o da mené ite i tesç y les fotografies cina ai 14 de jená 2017 a silvia.prousch@yahoo.de.

PLOANIA DA LUNGIARÜ

Por la **Cronica Sas dla Crusc 2016** da Lungiarü vëgnel perié les uniuns da mené tesç y fotos a karinclarla@tiscali.it cina la fin de jená. Infos Karin 328 31 33 285.

La Uniun dl Sport da Lungiarü lascia alsavëi ch'al é la **poscibilitè da jadiné** söl ciamp dl sport vigni mertesc y jöbia dales 14.30-16.00: info Elias 348 45 05 128.

La Uniun Sport Lungiarü tēgn n **curs da jî cun la liösa** por mituns dl'elementara y dla mesana. Por impresté liöses y info: Matteo 339 20 89 342 cina ai 12/01/17.

Sëra d'informaziun sura le sport de scialpinism, en mertesc ai 03/01/17 dales 20.00 tla ciasa dl sport söl ciamp dal palé a Lungiarü.

La Uniun dl Teater da San Martin chir por atira jogn y jones, ëi y ëres che ais ligrëza y vöia da daidé fá teater. Por informaziuns pón cherdé sō Karin 328 31 33 285.

La Uniun dles Patrones inviëia dōtes les patrones dl Comun da S. Martin ala reuniun generala en vëndres ai 13 de jená dales 13.30 a San Martin tl salf di stödafüch.

Assoziaziun Turistica:

En lönesc, ai 02 de jená, **festa dl ann nü a Lungiarü**: dales 21.30 fiacolada da Frëina demez. Dedò é l'ia dala plaza dles manifestaziuns (plaza dla segra) na picia festa cun de beles melodies ciantades y sonades, vin cõt, tē y de bun patüch duc. Düc é inviá.

Döt le bun a chi che complësc i agn de jená

a San Martin: Malia Zingerle Clement che nen complësc 87 ai 15
Tone Unterweger che nen complësc 89 ai 16

a Lungiarü: Ida Nagler Clara che nen complësch 95 ai 11
Albert Daverda che nen complësc 81 ai 13
Emilia Frenes Nagler che nen complësc 92 ai 24
Pire Nagler che nen complësc 91 ai 27
Fonjo Clara che nen complësc 86 ai 28



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

01.01.17 – 08.01.17 nr. 6

termo da publiché: jöbia 20.00
radio: 90,40 / 93,70

NANÜ – UMA DE DÎ

Vangele do San Lûca 2,16-21

I famëis é jüs debota a Bètlehem

y à ciafè Maria y Ujöp y le môt che ê ponü te cianê.

Y canch'ai l'à odü, cuntâi éi ch'al ti ê gnü dit de chësc môt.

Y düc chi che l'aldî se fajô demorvëia dles parores di famëis.

Maria deperpo se tignî dōtes chëstes cosses

y les meditâ te so cör.

Spo s'un é i famëis jüs derevers,

laldâ Idî y l'aprijâ

por éi ch'ai â aldî y odü,

sciöch'al ti ê gnü dit.

I famëis vëgn adalerch,

ai vëiga le bambin y cunta

ci che l'agno ti á incundé de Gejú.

Chi incëria se fej demorvëia.

Mo de Maria vëgnel cunté val' d'ater:

„Maria deperpo se tignî dōtes chëstes cosses y les meditâ te so cör.“

Maria é por tröpes gaujes por nos n ejëmpl de fede:

dala incundaziun dl agno ti ára dit de sce a Chël Bel Dî,

ara é stada fedela tla fede y l'á tignida fora ince sot la crusc.

Sciode che al comportamënt de Maria tl vangele da incö

ti vëgnel dé manco importanza:

Al é n vare important tla fede, ponsé do a nostes esperiënzes cun Chël Bel Dî

y a ci che nes vëgn scinché da d'ël tl bato, tl'eucaristia, tl perié y tla vita vigni dé.

Chësc ne pó y ne dess nia se desfanté ia te nosta vita.

„Medité tl cör“ n'ó nia dí „mëte da na pert“, mo mantignî vi,

y lascé che les esperiënzes cun Chël Bel Dî müdes y formes nosta vita.



	SAN MARTIN		LUNGIARÜ
01.01.17 NANÜ – UMA DE DÎ <i>De mondial dla pesc</i>	9.00 Corona 9.30 Gran Mëssa cun benedisciun dl incënc y dl se	01.01.17 Domënia	7.55 Corona 8.30 Gran Mëssa cun benedisciun dl incënc y dl se
02.01.17 Lönesc <i>Basile, Gregöre</i>		02.01.17 Lönesc	
03.01.17 Dedolönesc <i>Inom de Gejú, Genofefa</i>	19.30 Mëssa fam. Leo Crepaz en recort de + Mikol Bassutti + + + Arcangel, Nane y Monica Zingerle + Pasquale Tavella <i>Al vëgn i Trëi Resc</i>	03.01.17 Mertesc	
04.01.17 Dedemesaledema <i>Angela, Angelica</i>	<i>Al vëgn i Trëi Resc</i>	04.01.17 Mercui	7.30 Mëssa + + de Giuseppe Dapoz + Florino Mischi + Linda Mühlmann <i>Al vëgn i Trëi Resc</i>
05.01.17 Jöbia <i>Milia, Emiliana, Didach</i>	15.30 Mëssa tla Ciasa de Palsa 18.30 Mëssa prefestia families de Martin Verginer dl ann + Giovanni Trebo, Tor + Albert Conrater (dl ann) + + Irsara	05.01.17 Jöbia	20.00 Mëssa prefestia dl ann + + Kathy y Johann Tatz dl ann Anna Chiusura Pezzei <i>Al vëgn i Trëi Resc</i>
06.01.17 SANTAGUANIA APARIZIUN DL SIGNUR <i>Casper, Marciun, Baldassé</i>	9.30 Mëssa solëna por la comunité <i>Oferta por les Misciuns</i>	06.01.17 Vëndres	8.15 Mëssa solëna por la comunité <i>Oferta por les Misciuns</i>
07.01.17 Sabeda <i>Valentin dla Rezia, Raimund</i>	15.30 Mëssa tla Ciasa de Palsa 18.30 Mëssa prefestia do intenziun de Albert Costabiei + Sepl Sorá (dl ann) + + Tolpeit, Ju	07.01.17	20.00 Mëssa prefestia fam. Maieron de rengraz. fam. Sepl Clara, Oriana
08.01.17 FESTA DL BATO DE GEJÚ - A	9.00 Corona 9.30 Gran Mëssa por la comunité	08.01.17 Domënia	7.55 Corona 8.30 Gran Mëssa por la comunité